

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**  
po zahtjevu privrednog subjekta Poteza Capital Management B.V. – Predstavništvo u Bosni i  
Hercegovini u vezi obaveze prijave namjere koncentracije

**Sarajevo**  
**Juni 2007. godine**



Broj: 01-01-26-1224-2-I/06  
Sarajevo, 21.06.2007. godine

Na osnovu člana 25. stav (1) pod f) Zakona o konkurenciji ("Službeni glasnik BiH", broj 48/05), a na zahtjev privrednog subjekta Poteza Capital Management B.V. - Predstavništvo u BiH za davanje mišljenja o potrebi prijave namjere koncentracije zaprimljen pod brojem: 01-01-26-1224-I/06 dana 25.12.2006. godine, Konkurencijsko vijeće na 47. sjednici održanoj 21.06. 2007. godine, daje

## **MIŠLJENJE**

Privredni subjekt Poteza Adriatic Fund B.V. Amsterdam, Nizozemska, kojim upravlja privredni subjekt Poteza Capital Management B.V. Nizozemska je putem Predstavništva u Bosni i Hercegovini (u daljem tekstu: fond Poteza) dana 25.12.2006. godine podnio zahtjev Konkurencijskom vijeću, zaprimljen pod brojem: 01-01-26-1224-I/06, za davanje mišljenja o potrebi Prijave namjere koncentracije, koja će nastati dokapitalizacijom odnosno sticanjem vlasničkog udjela u kapitalu privrednog subjekta Poštanska banka Postbank BH d.o.o. Sarajevo (u daljem tekstu: Poštanska banka Sarajevo). U zahtjevu iznosi određene podatke vezane za privredne subjekte učesnike koncentracije u pogledu visine kapitala i vlasničke strukture.

Zakonom o konkurenciji članom 12.,14.,15. i 16. je propisano šta se smatra koncentracijom i koje je uslove potrebno ispuniti da bi se namjera koncentracije prijavila Konkurencijskom vijeću na ocjenu.

Članom. 12. stav (1) Zakona o konkurenciji je propisano da se koncentracijom smatra:

- a) spajanje ili pripajanje nezavisnih privrednih subjekta ili djelova privrednih subjekta
- b) sticanje kontrole ili preovladavajućeg uticaja jednog odnosno više privrednih subjekta nad drugim odnosno nad više drugih privrednih subjekta ili dijelom drugog privrednog subjekta odnosno djelovima privrednih subjekta i to:
  - 1) sticanjem kupovinom većine dionica ili udjela osnovnog kapitala ili,
  - 2) sticanjem većine prava glasa ili,
  - 3) na drugi način u skladu sa odredbama zakona koji regulišu osnivanje privrednih subjekta koji djeluju kao nezavisan privredni subjekt.

U smislu navedenih odredaba nezavisnim privrednim subjektima smatraju se privredni subjekti koji nisu kontrolisani po bilo kom osnovu od strane trećeg odnosno zajedničkog privrednog subjekta ili više njih, a namjera dokapitalizacije odnosno sticanja vlasničkog udjela u kapitalu jednog privrednog subjekta nad drugim privrednim subjektom smatra se koncentracijom.

Članom 14. Zakona o koncentraciji je propisano da su učesnici koncentracije iz člana 12. Zakona obavezni prijaviti namjeru koncentracije ako ukupni godišnji prihod učesnika koncentracije ostvaren prodajom roba i usluga na svjetskom tržištu iznosi 100.000.000,00 KM po završnom računu za prethodnu godinu, koja je prethodila koncentraciji i da je najmanje jedan privredni subjekt odnosno učesnik koncentracije registrovan na teritoriji Bosne i Hercegovine ili ako ukupan godišnji prihod svakog od najmanje dva privredna subjekta učesnika koncentracije ostvari ukupan prihod od najmanje 5.000.000,00 KM na tržištu Bosne i Hercegovine u godini koja je prethodila koncentraciji ili je njihovo zajedničko učešće na relevantnom tržištu veće od 40%.

Dakle ako su privredni subjekti učesnici koncentracije ostvarili ukupan godišnji prihod u iznosu koji je propisan u navedenom članu ili je njihovo zajedničko učešće na relevantnom tržištu veće od 40% dužni su takođe prijaviti namjeru koncentracije.

Dokapitalizacija odnosno sticanje vlasničkog udjela u kapitalu drugog privrednog subjekta, ukoliko su ispunjeni naprijed navedeni uslovi propisani članom 12. i 14. Zakona, učesnici koncentracije su dužni podnijeti prijavu namjere koncentracije u smislu člana 16. Zakona u roku od 8 dana od dana zaključenja sporazuma, objavljivanja javne ponude ili sticanja kontrole zavisno šta od toga prije nastupi, Konkurencijskom vijeću na ocjenu; u suprotnom ne postoji obaveza prijave namjere koncentracije.

Predsjednik

Sanja Božić

Dostavljeno:

- Poteza Capital Management B.V., Predstavništvo u BiH, Sarajevo
- Arhiv Konkurencijskog vijeća